

զՄեկնութիւն Եսայեայ. գտանին եւ շատք վասն իւր եւ վասն այլոց գրեալ մատենանք իւրովք ծախուք. իսկ իւրոց գրաւոր վարժից յաջողութեան վկայ մնայ նախայիշեալ Յիշատակարանն վասն աւուր տօնի զատկին, վայելուչ տաղաչափութեամբ:– Ի բազմաթիւ եղբարց սորին Հեթմոյ՝ ծանօթ է ինձ, նաեւ՝

ի ձեռին, Յա

գրեալ վասն Օշին թագաւորի, յորում նշանակեալ են աւուրք մահուան արքայազանց: Օշնի որդի Լեւոնի Դ ցուցաւ ՚ի վեր անդր երախտագործ՝ հաստատութեամբ վարժարանին ՚ի Ջերմաղբեր վանս. նորին հրամանաւ կան մնան գրեալ Ասսիգքն Անտիոքայ եւ Օրինագիրք Սմբատայ, որ նոր յայտնեցաւ:– Ի զարմից եղբարց Ա Հեթմոյ եւ հօրեղբարց Լեւոնի Բ, ծանօթ ինձ մնացորդք ստացեալ գրոց՝ են, Գիրք Սողոմոնի եւ այլ ինչ ՚ի Ս. Գրոց, յորում գրէ մի յորդոց Սմբատայ Գունդստապլի. «Ես Աւշին Սէնէիջալս ամենայն Հայոց որդի բարեպաշտ իշխանաց իշխանին Պրն. Սմբատ Գունդստապլին Հայոց, զոր հմտեցա գրոյս եւ յոյժ սիրեցի»... Վասն եղբորորդոյ սորա երկրորդ Սմբատ Գունդստապլի՝ ծանօթ է գրեալ Աստուածաշունչ մի շքեղ:– Զատ ՚ի չորից եւ հնգից եղբարց՝ որդոց նահապետին Կոստանդեայ Պայլին՝ էին եւ այլ որդիք, յորոց մի Լիկոս. յանուն սորա չէ ինձ ծանօթ գրեալ մատենան, այլ վասն որդոյ իւրոյ պատանեկի Պարոն Սիր Լեւոն կոչեցելոյ՝ կայ առ մեզ Աւետարանիկ մի գրեալ յամի 1256, որոյ գրիչն Յովհաննէս մաղթէ յիշել «գբարի շառաւելն, զտղայ Պարոնն՝ ըզՍիր Լեւոն, որ եռափափագ սիրով ստացաւ զսուրբ աւետարանս... զսիրեցեալ պատանին՝ զՍիր Լեւոն, որպէս զի աղօթիւք ձերովք Տէր Աստուած տացէ զնա ծնաւոյաց իւրոց երկայն ժամանակս առողջութեամբ, եւ փրկեցէ յամենայն փորձութեանց»...– Միւսոյ եւս եօթներորդի արքայեղբոր Օշնի՝ անդրանիկն Հեթում տէր Կոռիկոսի՝ հանրածանօթ է եւ բազում անգամ յիշեալ առ ՚ի մենջ՝ իբրեւ հեղինակ հռչակաւոր Պատմութեանն Արեւելից կամ Թաթարաց, **եց Գործոց,** (337-340), **Բժշկական**

մատենան գրեալ վասն նորա:– Յիշեալ է մեր (341) եւ զպերճագիր Մանրութումն կամ Կցրդոց գիրք գրեալ վասն որդոյ սորա Կոստանդին Գունդստապլի. որոյ եղբայրն անդրանիկ Օշին երբեմն Պայլ՝ ձեռնտու եւ գործակից Լեւոնի Դի,

երախտաւոր

Ջերմաղբերոյ:– Ութերորդ որդոյ Արքայափորն՝ Կոստանդեայ՝ որդի է Պաղտին մարաջախտ ստացող եւ նորոգող Ճաշոցի գրելոյ ծախուք մեծի Գունդստապլին, յորում գրեալ է եւ ինքն յիշատակս ինչ ընտանեկանս, որպէս յետոյ եւ որդի նորա Կոստանդին Բ. **Իտալական** Գ թագաւոր՝ չափական բանիւ գրեալ է ողբս զմահուանէ եղբորն (413): Գտանի առ մեզ